


1620 Le



L E T T R E

DE MONSIEVR
LE MARESCHAL DE
LESDIGVIERES,

A V X R E B E L L E S D V
pays de Bearn.

*Sur les Assemblées par eux faictes
contre le service du Roy.*

Enuoyee le neufiesme Decembre 1620.



A P A R I S,

Suiuant la coppie imprimee à Bour-
deaux par Iacques Chastaignier,
demeurant pres le Palais.

M. DC. XX.

Case

F

39

326

THE NEWBERRY
LIBRARY

1620401



LETTRE DE MONSIEVR

le Marechal de Lesdiguieres en-
uoyee le neufiesme Decembre 1620.

Aux rebelles du pays de Bearn, sur
les Assemblees par eux faites contre
le seruice du Roy.

MESSIEVRS,

Ayant sceu de bonne
part que depuis le parte-
mēt du Roy, des vos quartiers, vous
ne vouliez laisser (contre tout res-
pect & obeissance que vous deuez
à la Maiesté) de continuer en vostre
opiniaistreté, & que mesmement
vous faites iournellement en diuers

A ij

4

lieux , des assemblees particulieres
de quelques personnes de quali-
té , ne sçachant toutesfois à quel
suiect vous le faites ; mais vous
donnant Aduis sur cela , à celle fin
d'oster la mauuaise opinion que
l'on pourroit concevoir de vous ,
(& comme aussi vous en donneriez
vn tres veritable subiect) de vous
departir d'icelles , & ne continuer
cesdites Assemblees, car ie vous as-
seure que si vous y perseuererez enco-
re, & que ie puisse sçauoir quelle est
la moindre de vos volontez contre
l'obeissance & le seruice que vous
deuez tres-legitimement au Roy, ie
ne manqueray d'en donner aduis à
sa Majesté, & sur le moindre comā-
dement qu'elle luy plaira me faire
de m'acheminer vers vous, ie seray
l'vn des premiers qui prendra les ar-

mes en main pour aller chastier & punir vostre des-obeissance, & faire cognoistre à vos despens le pou- uoir & l'autorité du Roy.

C'est pourquoy, messieurs, ie vous supplie de vous departir de cesdi- tes assemblees, & de ne donner au- cun subiect de mescontentement à sa Majesté, car autrement vous don- neriez occasion à ladite Majesté de rerirer sa clemence dont elle a vlé enuers vous par le passé, fuyez ie vous supplie les iustes chastiments quevous pourriez encourir, par vos des-obeissances enuers elle.

Sçachez que vous & moy som- més tous estroittement obligez par les loix diuines & humaines, d'hono- rer, respecter, & obeir à nostre Roy, & qu'il faut que ses commande- mens & Ordonnances nous soient

d'une telle recommandation que nul ne les doit enfreindre sur peine d'encourir punition de la vengeance Diuine.

C'est à quoy ie vous prie de rechef de penser, & considerer, que si vous continuez telles asemblees & rebellions, les peines que vous pouuez encourir, & à vostre sujet plusieurs autres Corps, qui ne pourroient mais de vos affaires particulieres.

L'ay prié à ce sujet le sieur de la Berteliere, Gentil-homme que i'affectionne fort, present porteur, de vous communiquer la presente, & des'employer au plus qu'il luy sera possible, de vous faire recognoistre le deuoir & l'obeissance que vous deuez au Roy, & en ce faisant vous


2
feray cognoistre que vous aurez en
moy,

MESSIEURS.

Vn bon Amy & serui-
teur en bien faisant &
obeissant au Roy,

DE LESDIGVIERES.

De Grenoble ce 9. Decembre 1620.



A V L E C T E V R.

LA coppie de ceste lettre m'e-
 stant tombee entre les mains
 i'ay creu qu'il n'estoit mal feant de
 la faire voir au public, pour luy faire
 cognoistre le grand zele qu'a mon-
 sieur le Marechal de Lefdiguieres,
 à l'obseruation des commandemens
 du Roy, bien qu'il ne soit necessaire
 de faire cognoistre dauantage sa fi-
 delité au seruice de la Couróne, que
 l'estime que le feu roy que Dieu
 absolue, & nostre tres-iuste & vi-
 ctorieux Monarque à present re-
 gnant, ont faite de sa personne, &
 d'autre part, comme ce qui se
 passe au preiudice des Ordonnan-
 ces

ces de sa Maieſté⁹, n'est approu-
ué de tous ceux de leur religion,
& principalement des plus
grands qui ont le ſeruite du
Roy en plus grande recomman-
dation qu'eux, n'ayant iamais
voulu conſentir à tout ce qui
s'eſt paſſé par cy deuant audict
pays de Bearn, contre les Ar-
reſts & mandemens du Roy,
auſquels ils n'ont iamais voulu
obeyr que lors que ſadite Maie-
ſté s'eſt transportee ſur les lieux,
pour eſtablir les Eccleſiaſtiques
en leurs biens & dignitez vſur-
pees depuis plus de cinquante
ans en ça, & empeschoiēt le ſerui-
ce diuin en ces Eglises Catholi-
ques dudit pays.

Car bien que Monſieur de
Leſdiguieres ſoit de la Religion

Pretendue Reformée comme
 font les rebelles dudit pays de
 Bearn, ils monstrent toutesfois
 estre fort differends de volonté
 en ce qui concerne le seruice du
 roy, d'autant qu'il ne se trouue-
 ra point qu'il ait iamais desobey
 à la volonté & commandement
 de sadite Maiesté, au contraire
 de ceux dudit pays de Bearn,
 lesquels sans doutes'ils ne se di-
 uertissent des prattiques secre-
 tes & intelligences particulieres
 qu'ils exercent iournellement,
 & n'obeissent aux commande-
 mens de sadite Maiesté, faisant
 diuerses assemblees sans son con-
 sentement, ie m'asseure que mō-
 dit fleur le Mareschal de Ledi-
 guieres fera (sous le bon plaisir du
 Roy) l'un des premiers qui se

transportera en ces quartiers là,
pour faire rendre par force l'o-
beissance & le respect qu'ils doi-
uent à sadite Maiesté, comme à
leur Prince naturel & legitime
heritier de ce grand HENRY
quatriesme son feu pere, tant de
sa valleur & de sa clemence, que
de son Royaume.

FIN.

Handwritten text, likely bleed-through from the reverse side of the page. The text is mirrored and mostly illegible due to fading and the texture of the paper.

